



BOP

MARTES, 19 DE DESEMBRO DE 2017 N.º 289

DEPUTACIÓN DE LUGO

boletin@deputacionlugo.org
www.deputacionlugo.gal

Dep. Legal: LU-1-1968

Administración: San Marcos, 8 - 27001 Lugo
Tel.: 982 260 124/25/26 - Fax: 982 260 205

CONCELLOS

BARALLA

Anuncio

Por Decreto da Alcaldía número 141 de 11 de decembro de 2017, prestouse aprobación inicial aos seguintes padróns, correspondentes ao terceiro trimestre do ano 2017:

- Padrón da taxa polo abastecemento de auga a domicilio, **no que se inclúe o canon da auga (3º trimestre do ano 2017).**
- Padrón da taxa por recollida de lixo.
- Padrón de augas residuais e sumidoiros.

Expónse ao público polo pazo de 15 días hábiles contados dende o seguinte ao da publicación deste edicto no BOP de Lugo.

Recurso: Contra o Decreto da aprobación dos padróns de: abastecemento de auga a domicilio, recollida de lixo e augas residuais e sumidoiros, poderá interporse recurso de reposición.

Prazo de presentación do recurso: Un mes contado dende o día seguinte ao da finalización do período de exposición ao público dos padróns.

Órgano ante o que se recorre: Alcalde-Presidente do Concello de Baralla.

Contra a Resolución expresa ou presunta do recurso de reposición, que no seu caso se formule, poderá interporse recurso contencioso-administrativo na forma e nos prazos que a tal efecto se establezan na Lei Reguladora da referida xurisdicción.

A falta de pagamento do Canon da Auga, no período voluntario sinalado suporá a esixencia do mesmo directamente ao contribúnte pola vía de constrinximento pola consellería competente en materia de facenda da Xunta de Galicia. A repercusión do canon da auga poderá ser obxecto de reclamación económico-administrativo da Comunidade Autónoma de Galicia no prazo de un mes dende esta notificación.

Baralla, 11 de decembro de 2017.- O Alcalde, Manuel Jesús González Capón.

R. 3676

BARREIROS

Anuncio

Por Acordo Plenario de data de 27 de novembro de 2017, aprobouse definitivamente a modificación da **Ordenanza municipal que regula o uso das praias do Concello de Barreiros**, polo que, de conformidade co artigo 70.2 da Lei 7/85, de 2 de abril, Reguladora das Bases de Réxime Local, procedese á publicación do texto íntegro para a súa entrada en vigor:

"ORDENANZA MUNICIPAL QUE REGULA O USO DAS PRAIAS DO CONCELLO DE BARREIROS

TITULO 1. DISPOSICIÓN XERAIS

Artigo 1.— Obxectivo.

1. É o obxecto da presente Ordenanza a regulación do correcto uso das praias do litoral do concello de Barreiros conxugando, o dereito que todos temos a gozar das mesmas, co deber que o concello, no marco das súas competencias, ten de velar polo emprego racional das mesmas, co fin de protexer e mellorar la calidade de vida e defender e restaurar o medio ambiente, apoiándose na indispensable solidariedade colectiva; principios todos consagrados na nosa Constitución.

2. Así mesmo, o concello de Barreiros, a través desta Ordenanza, instrumento normativo máis próximo e accesible o cidadán, pretende facer chegar a este a diversa normativa estatal básica, determinando as condicións

de seguridade dos bañistas e o conxunto de condutas que supoñen infraccións, co fin de dotar dunha información precisa á poboación.

En definitiva, a Ordenanza pretende unha protección integral dos espazos públicos dentro do seu ámbito material, cuxa adecuación á normativa administrativa sectorial vixente e que era aconsellable debido á falta de normativa municipal a día de hoxe. O novo texto pretende poñer de manifesto a obriga e a intención do concello en canto á defensa do medio ambiente en beneficio de todos.

Artigo 2.— Ámbito de aplicación

A presente Ordenanza rexerá no termo municipal de Barreiros, no espazo que constitúe o dominio marítimo terrestre definido no Título I da Lei 22/1988, de 28 de xullo, de Costas, e que teña a consideración de praia, e tamén coa pretensión de facilitar o exercicio das competencias doutras administracións na materia.

Artigo 3.— Definicións

A efecto da presente Ordenanza e de acordo coa normativa estatal básica, así como a de carácter autonómico de aplicación, entendese como:

1. Praias: Zonas de depósito de materiais soltos, tales como areas, gravas,... incluíndo escarpes, bermas e dunas, que teñan ou non vexetación, formadas pola acción do mar ou o vento mariño, ou outras causas normais ou artificiais.

2. Augas de baño: Aquelas de carácter marítimo nas que o baño estea expresamente autorizado ou, non estando prohibido, se practique habitualmente por un número importante de persoas.

3. Zona de baño: O lugar onde se atopan as augas de baño de carácter marítimo e os lugares próximos que constitúen parte accesoria desta auga en relación os seus usos turísticos recreativos.

Entenderase como zona de baño aquela que se atope debidamente balizada ó efecto. Nos tramos de costa que non estean balizados como zona de baño entenderase que esta ocupa unha franxa de mar contigua á costa dunha anchura de 200 metros nas praias e 50 metros no resto da costa. (Art. 69.2 da Ley 22/1988, de 22 de xullo, de Costas).

4. Zona de Varada: Aquela destinada á estancia, embarque, desembarque e mantemento de embarcacións profesionais e de recreo, debidamente listadas.

5. Tempada de baño: Período de tempo en que pode preverse unha afluencia importante de bañistas, tendo en conta os usos e costumes locais. A efectos da presente ordenanza, considerarase tempada de baño o período anual, que xeralmente oscila entre mediados do mes de xuño e mediados do mes de setembro, inda que o concello de Barreiros poderá variar as datas e horarios nos que se habilitará a vixilancia da zona de baño polo persoal de salvamento en cada ano mediante unha resolución á que se lle outorgará a debida publicidade para o coñecemento de todas as persoas interesadas.

6. Acampada: Instalación de tendas de campaña, parases non diáfanos nos seus laterais ou de vehículos ou remolques habituais.

7. Campamento: Acampada organizada dotada dos servizos establecidos pola normativa vixente.

8. Animal de compañía: Todo aquel, que sendo doméstico ou salvaxe, é mantido polas persoas coa finalidade de vivir con elas, asumindo as responsabilidades inherentes á sua convivencia, sin que exista ningunha actividade lucrativa sobre él.

9. Pesca marítima de recreo: entendese aquela que se realiza por afección o deporte, sen ningunha retribución algúns e sen ánimo de lucro. Esta modalidade poderá ser exercitada en superficie, desde unha embarcación ou a pé dende a costa e submarina, nadando ou mergullándose a pulmón libre.

Artigo 4.— Axentes da Autoridade.

Os axentes da autoridade poderán requerir verbalmente os que infrinxan calquera das disposicións contidas na presente Ordenanza a fin de que de inmediato cesen a actividade prohibida ou realicen a obrigación debida, elo sen prexuízo da incoación de expediente sancionador, cando proceda ou, no seu caso, se xire parte de denuncia á Administración competente.

O persoal de salvamento e socorrismo apoiará ós anteriores na labor de información do establecido na presente Ordenanza, comunicando particularmente as infraccións á mesma e apercibindo ó posible infractor que de persistir na súa actitude, trasladarán denuncia a la autoridade competente.

O público bañista queda obrigado a seguir as orientacións e indicacións que por seguridade podan realizar os servizos de salvamento e socorrismo, así como a cantas disposicións existentes ou que podan ditarse en adiante polos organismos competentes.

TITULO II. NORMAS DE USO

Artigo 5.— Normas xerais

1. A utilización das praias será libre, pública e de balde para os usos comúns e acordes coa natureza daquelas, tales como pasear, estar, bañarse, navegar, embarcar e desembarcar, varar, pescar e outros actos semellantes que non requirán obras nin instalacións de ningún tipo e que se realicen de acordo coas leis, regulamentos, así como a presente Ordenanza.

2. As praias non serán de uso privado, sen prexuízo do establecido na Lei de Costas e o seu Regulamento sobre as reservas demaniais.

3. As instalacións que se permitan nas praias, ademais de cumplir co preceptuado no número 2 anterior, serán de libre acceso público, salvo que por razóns de seguridade, de economía ou outras de interese público, debidamente xustificadas, se autoricen outras modalidades de uso.

4. O paseo, a estancia e o baño pacíficos na praia e no mar, teñen preferencia sobre calquera outro uso, agás nas zonas ou horarios específicos establecidos para outras actividades.

Artigo 6.— Xogos e actividades deportivas

1. En orden co artigo anterior, con carácter xeral queda prohibido nas zonas e augas de baño e durante a temporda de baño, tanto na área da praia como na auga do mar, a realización de actividades, xogos ou exercicios que podan molestar ó resto dos usuarios ou entrañen perigo.

2. Naquelhas praias onde as súas dimensións o permitan, e se dean as circunstancias apropiadas poderán realizarse as actividades prohibidas no punto anterior, sempre que se fagan a unha distancia do resto dos usuarios tal que se eviten as molestias.

3. Exceptúanse da prohibición contida no número 1 do presente artigo aquellas manifestacións de carácter deportivo ou lúdico organizadas ou autorizadas polo Concello de Barreiros, sen prexuízo da necesidade de autorización por parte de outras Organizacións cando sexa perceptivo. As mesmas realizaranse en lugares debidamente sinalizados e balizados.

4. Así mesmo, quedan exceptuadas de prohibición, as actividades deportivas e lúdicas que os usuarios podan realizar nas zonas que con carácter permanente ou temporal teña dedicadas o concello á práctica de diversos deportes, xogos infantís, etc, que se determinarán por Resolución de alcaldía e que estarán debidamente balizadas e serán visibles ó resto de usuarios.

5. Nas zonas de baño e durante a temporda de baño, poderán fixarse por Resolución de alcaldía, zonas para a práctica de actividades deportivas. O persoal do servizo de salvamento e socorrista será o encargado de informar e controlar que se cumpran os usos e horarios establecidos nas distintas zonas que se podan delimitar.

6. Tamén se poderán autorizar concursos relativos ás prácticas deportivas citadas. Tanto as persoas organizadoras, como participantes, deberán respectar os lugares, horarios e condicións que estableza o concello. Nestes casos permitidos, a práctica deportiva farase en lugares debidamente sinalizados e con carácter temporal.

Artigo 7.— Normas acústicas.

Prohibérese a utilización na praia de reprodutores de música ou similares, que emitan ruídos que produzcan molestias ós demais usuarios segundo apreciación dos axentes encargados do cumprimento da presente Ordenanza ou do persoal de Salvamento. Non obstante, en circunstancias especiais, (verbenas, actos públicos, concertos, etc) pódense autorizar estas actividades polo concello.

Artigo 8.— Embarcacións, hidropedales, motos acuáticas.

Prohibérese o baño e a estancia de bañistas na zona destinada para varada e tránsito de embarcacións, canais de acceso a portos e ó mar, e zonas restrinxidas polo persoal de Salvamento; así como hidropedales e motos acuáticas.

Artigo 9.— Publicidade.

Queda prohibida a colocación de calquera tipo de rótulo na praia polos particulares, quedando dita atribución reservada para as Administracións Públicas con competencias para elo e debendo realizarse, en todo caso, mediante modelos normalizados.

Artigo 10.— Vehículos.

1. Prohibérese o estacionamento e circulación non autorizada de vehículos pola praia, exceptuando os vehículos destinados á limpeza, mantemento e vixilancia das praias, servizos de urxencias, seguridade e eventos autorizados.

En calquera caso, estes vehículos excepcionados non poderán quedar estacionados na praia ou zona de baño e deberán retirarse ó rematar a actuación que motivou o seu acceso á praia ou zona de baño.

O estacionamento de bicicletas, patinetes, cadeiras ou carriños de bebés e asimilados estará permitido, sempre que non supoña risco para as persoas usuarias; se non existen zonas específicas habilitadas en condicións de seguridade para o mesmo polo concello.

2. Quen vulnere esta prohibición deberá sacar de inmediato os vehículos do dominio público ocupado, a requerimento verbal dos Axentes da autoridade e/ou do persoal de Salvamento, sen prexuízo de que se xire parte de denuncia á Administración competente en orden á instrución do oportuno expediente sancionador cando sexa procedente. Si o propietario dun vehículo estacionado indebidamente na praia non fose localizado por estes axentes, procederase á retirada do mesmo con cargos e conta ó infractor.

3. Quedan expresamente autorizadas para estacionar e circular pola praia os vehículos de discapacitados, así como tamén a utilización na auga do mar e aqueles especialmente deseñados para tal fin, todo elo sen prexuízo das precaucións que deben adoptar os propios discapacitados e/ou persoas que lles asistan en orden á seguridade do resto de usuarios.

4. O concello adoptará as medidas oportunas para facilitar ás persoas con discapacidade, a utilización das praias e as súas instalacións, en consonancia co establecido na normativa sobre accesibilidade.

Artigo 11.— Campamentos e acampadas.

1. Están prohibidos os campamentos e acampadas de calquera índole e duración na praia por razóns de protección dos espazos de interese nacional, paisaxístico ou cultural.

2. As persoas usuarias da praia poderán instalar parasois, mesas e complementos na zona da praia, salvo que impidan a visibilidade ou compliquen o acceso ás zonas de baño polo persoal de salvamento ou o resto de usuarios. En todo caso, o tempo de instalación destes elementos non poderá superar a xornada de praia, tendo a obriga de retirarse ó finalizar o día e podendo facelo, en caso contrario os servizos municipais.

3. Quen vulnere o apartado anterior, deberá desinstalar os elementos que causen molestia a requirimento do servizo de salvamento, sen prexuízo de que se xire denuncia á autoridade competente. No caso de elementos que queden instalados fóra da xornada de praia, os servizos municipais poderán retiralo e depositalo nas dependencias municipais durante un prazo máximo de 15 días. Se transcorrido dito prazo, non fosen retirados polos donos que presenten un xustificante que acredite a súa propiedade, previo pago de sanción correspondente, terán a consideración de residuo e procederase á súa eliminación.

4. Calquera tipo de ocupación na praia, deberá dispoñer dunha autorización expresa da autoridade competente.

Artigo 12.— Navegación deportiva e de recreo.

1. Nas zonas exclusivas de baño estará prohibida a navegación deportiva e de recreo e a utilización de calquera tipo de embarcación ou artefactos flotantes, independentemente do seu medio de propulsión, exceptuando os de Salvamento.

2. Queda prohibida, fora das zonas ou horarios especificamente habilitados para elo, a práctica de actividades tales como kitesurf, windsurfing, piragüismo, paddleboard ou similares dentro da zona de baño, independentemente do artefacto flotante co que se leven á práctica.

3. O lanzamento e varada das embarcacións e artefactos terá que facerse nas zonas destinadas a tal efecto, a velocidade moi reducida (3 nudos como máximo). A zona habilitada é a zona do embarcadero da praia de Anguieira (Ria).

4. Quen vulnere estas prohibicións deberán desaloxar de inmediato, a requerimento verbal do persoal de salvamento ou dos Axentes da autoridade, o dominio público ocupado, sen prexuízo de que xiren parte de denuncia á Administración competente en orden á instrución do oportuno expediente sancionador cando sexa procedente.

Artigo 13.— Pesca

1. Nas zonas de baño e durante as tempadas de baño, prohíbese a pesca dende embarcación e a submarina. Na beira, prohíbese a pesca dende as 11.00 ata as 22.00 horas, ambas inclusive, para evitar os danos que os aparellos utilizados poden causar ó resto de usuarios.

2. Non se permite amparando a seguridade e protección dos usuarios na praia, a entrada ou salida do mar dende a praia ós pescadores submarinos con fusil cargado, así como a manipulación en terra ou en auga deste ou doutros instrumentos de pesca que podan supoñer un risco para a seguridade das persoas.

3. Exceptúanse das prohibicións anteriores, as actividades organizadas ou autorizadas polo concello, o que se fará en zonas debidamente balizadas ou sinalizadas.

4. Quen vulnere as prohibicións anteriores deberá cesar de inmediato a actividade prohibida, a requerimento verbal dos axentes da autoridade, sen prexuízo de que xiren parte de denuncia á Administración competente en orden á instrución do oportuno expediente sancionador cando sexa procedente.

Artigo 14.— Canais náuticos e varaderos

1. Prohibíbase o baño ou estancia por parte dos usuarios nas zonas destinadas a lanzamento e varada de embarcacións (canais náuticos e varaderos).
2. Queda prohibida a permanencia de calquera tipo de embarcación ou artefacto flotante na area da praia fora das zonas denominadas como varaderos, a excepción das embarcacións de salvamento.
3. A infracción do punto anterior terá como consecuencia a imposición dunha sanción, debendo ademais o propietario ou responsable da embarcación de retirar a mesma. En caso de non facelo, a retirada da embarcación será levada a cabo por parte do concello, con cargos a conta do infractor.
4. Non se permite a ocupación de espazo público sen autorización así como o abandono en zona pública de embarcacións, remolques, táboas de windsurf, velas, remos, cabos, rezóns, similares, etc. salvo os que se atopen dedicados a servizos de emerxencias ou servizos públicos.

En tales casos procederase pola autoridade competente que requirirá a retirada do artefacto ó titular, concedéndolle un prazo de 24 horas, indicando, a modo de advertencia, no mesmo requerimento, que en caso do seu incumprimento, servirá o requerimento de orde de execución de retirada inmediata por incumprimento unha vez transcorridas as 24 horas antes indicadas, efectuándose de forma subsidiaria polo concello e con repercusión dos costos municipais a cargo do titular, depositándose nun recinto municipal.

5. En caso de ser imposible o requerimento, a pesar de ter identificado ó infractor titular, por non localizalo acordarase de forma cautelar a súa retirada. En caso de non identificar á persoa responsable da titularidade do obxecto, artefacto ou elemento quedará facultado o concello para retiralo a modo de medida cautelar, e serán depositados no recinto municipal habilitado para tales fins.

Artigo 15.— Animais

1. Queda prohibido, salvo ás zonas que o concello poda delimitar por Resolución do alcaldía, o acceso de animais domésticos ás augas e zonas de baño, así como á praia e zonas sinaladas, a excepción do que resulte preciso para o desenvolvemento de actividades debidamente autorizadas pola autoridade sanitaria competente.
2. No caso de animais abandonados que deambulen pola praia, o concello terá a responsabilidade da súa retirada e custodia; así como de tratar de localizar ás persoas responsables do abandono de cara a posibles sancións.
3. Queda autorizada na praia a presenza de cas lazarillo en compañía da persoa a quen sirvan, sen prexuízo da responsabilidade do seu posuidor e/ou propietario nin das medidas que o mesmo deba adoptar para evitar molestias ou riscos paro o resto de usuarios ou ó medio.
4. A persoa propietaria ou acompañante do animal considérase responsable dos danos, molestias e prexúizos que este puidese ocasionar e farase cargo da sanción que corresponda ó abeiro desta ordenanza ou de outras disposicións vixentes na materia.

En calquera caso establecese a obriga de vixilancia dos animais por parte das persoas donas ou portadoras dos mesmos, así como a obriga de recoller e depositar nos lugares habilitados polo concello a estos efectos as deposicións que podan realizar os animais na zona de praia, sendo considerada infracción grave o incumprimento deste precepto.

5. Quen vulnere a prohibición do número 1, ou non cumpla coas condicións preceptuadas nos números anteriores, deberá abandonar de inmediato a praia co animal a requerimento verbal do persoal de salvamento ou dos Axentes da autoridade, sen prexuízo de que xiren parte de denuncia á Administración competente en orden á instrución do oportuno expediente sancionador cando sexa procedente.

Título III: — Normas de carácter hixiénico-sanitario

Artigo 16.— Dereitos de información

1. Os usuarios terán dereito de ser informados polo concello da falta de aptitude para o baño das augas que non satisfagan os criterios de calidade mínima esixibles polas normas vixentes.
2. A tal fin, o concello informará de xeito actualizado das condicións hixiénico-sanitarias das zonas de baño, dando a publicidade necesaria ós informes sobre a calidade das augas emitidos durante a tempada de baño e as súas actualizacións.
3. No ámbito das súas competencias, e no exercicio do deber de adoptar as medidas necesarias para a protección da saúde, o concello de Barreiros:
 - a) Sinalizará o equipamento de servizos públicos e as posibles limitacións de uso que podan existir, conforme ó establecido na normativa vixente.
 - b) Sinalizará a prohibición de baño, conforme ó establecido na normativa de aplicación, cando así veña establecida pola Consellería de saúde da Xunta de Galicia, mantendo a mesma ata tanto non se comunique a desaparición do risco sanitario por dito organismo.

c) Adoptará as medidas necesarias para a clausura de zonas de baño, cando así veña acordada pola Consellería de saúde da Xunta de Galicia, mantendo a mesma ata tanto non se comunique a desaparición do risco sanitario por dito organismo.

d) O concello de Barreiros dará a publicidade necesaria ó informes que elabore a Consellería de saúde da Xunta de Galicia.

Artigo 17.— Condutas de carácter hixiénico-sanitario

1. Queda prohibido:

a) A evacuación fisiolóxica no mar ou na praia.

b) Lavarse na auga do mar utilizando xabón, xel, champú ou calquera outro produto similar, os usuarios que desexen asearse poderán facelo nas duchas e lavapes que o concello dispoña nas distintas praias do termo municipal.

c) Dar ás duchas, lavapes, aseos e mobiliario urbano en xeral, situados nas praias, un uso diferente ó que lle é propio; así, sancionarase conforme á presente Ordenanza, ós usuarios que dean outro fin ás mesmas como xogar, limpar os enseres de cociña, lavarse ou ducharse utilizando xabón, xel, champú ou calquera producto deterxente, pintar, deteriorar, etc., sen prexuízo das responsabilidades de outra índole que podan esixirse polos actos cometidos.

2. Naquelhas zonas onde se realice algún tipo de actividade, xa sexa permanente ou temporal, os seus responsables deberán manter durante o seu exercicio, as debidas condicións de limpeza e salubridade. Os titulares de servizos de tempada están obrigados a evitar que se produzcan acumulacións de lixo, polo que deberán proceder á súa limpeza coa frecuencia axeitada á intensidade do seu uso, depositando os restos nos colectores habilitados para elo.

3. Co fin de facilitar a limpeza das praias durante a tempada de baño, non se permitirá a instalación de ningún elemento que entorpeza o paso dos servizos de limpeza.

4. Quen vulnere estas prohibicións deberá cesar de inmediato a actividade prohibida, a requirimento verbal do persoal de salvamento e/ou dos Axentes da autoridade, sen prexuízo de que xiren parte de denuncia en orden á instrución do oportuno expediente sancionador.

Artigo 18.— Residuos.

1. Queda prohibido tirar na praia ou na auga do mar calquera tipo de residuos como papeis, restos de comida, latas, botellas, restos de froitos secos, cabichas, etc., así como deixar abandonadas na mesma mobles, carriños, papeis, caixas, embalaxes, etc.

2. Ditos vertidos terán que realizarse nos colectores que ó efecto se atopan distribuídos pola praia ou nas proximidades dos accesos principais

3. Para o uso correcto de ditos colectores terán que seguirse as seguintes normas:

a) Non se empregarán para o vertido de líquidos, escombros, madeiras, enseres, etc., así como tampouco para animais mortos.

b) Non se depositarán neles materiais en combustión (cigarros, brasas, etc).

c) O lixo depositarase no interior do colector, evitando o seu desbordamento e a acumulación de residuos ó seu arredor, polo que, en caso de encontrarse cheo, terá que realizarse o depósito no colector mais próximo.

d) Unha vez depositada o lixo terá que cerrarse a tapa do colector.

e) O lixo, antes de ser depositado no colector, terá que dispoñerse nunha bolsa perfectamente cerrada.

4. Prohibése limpar na arena da praia ou na auga do mar os enseres de cociña ou os recipientes que serviran para portar alimentos ou outras materias orgánicas.

5. Non obstante o anterior establecido neste artigo, os pescadores poderán realizar na praia as súas faenas de limpeza de artes e enseres así como de mantemento de embarcacións, debendo, inmediatamente despois de terminar ditas labores, depositar os residuos que se produzan nos colectores que o concello habilita nas zonas de varada para uso exclusivo dos mesmos.

6. Os restaurantes situados nas praias deberán respectar os horarios establecidos polo concello para realizar ou depositar os residuos procedentes de dito negocio, sendo sancionados si incumprisen dita norma.

7. Quen vulnere estas prohibicións, a requirimento verbal dos Axentes da autoridade, deberán de retirar de inmediato os residuos e proceder ó seu depósito conforme se establece nesta ordenanza, sen prexuízo de que xiren parte de denuncia en orden á instrución do oportuno expediente sancionador.

8. Dende o concello realizaranse campañas de concienciación cidadá para evitar estas accións prexudiciais para todos, estas campañas poderán ser de sensibilización ambiental e protección do medio ambiente mediante as accións divulgativas que estime oportunas.

Artigo 19.— Venda ambulante.

1. Considerase venda ambulante a realizada en puntos non estables por vendedores habituais ou ocasionais.
2. Prohibíbese a venda ambulante na praia de calquera produto alimenticio en xeral e, en concreto bocadillos, bebidas, aperitivos, golosinas, semillas, etc.
3. A autorización municipal para a venda especificará o tipo de produtos que poden ser obxecto de venda, así como os lugares precisos onde se deba exercer e as datas e horarios nas que se poda levar a cabo.
4. Os axentes da autoridade poderán requisar a mercadoría a aquelas persoas que realicen a venda prohibida no número anterior e, en todo caso, cesarán a actividade prohibida a requerimento dos mesmos, sen prexuízo de quen xire parte de denuncia en orden á instrución do oportuno expediente sancionador.
5. Unha vez requisada a mercadoría, esta só poderá ser devolta ó infractor cando acredite documentalmente a súa propiedade e, no seu caso, unha vez satisfeita a sanción que lle viñera imposta en aplicación da presente Ordenanza.

Capítulo IV: Vixilancia e seguridade**Artigo 20.— Lume.**

1. Queda prohibido realizar lume directamente no chan da praia, area, pedras ou rocas.
2. Queda prohibido o uso de bombonas de gas e/ou líquidos inflamables nas praias, a excepción do combustible utilizado para prover os motores das embarcacións nas zonas de varada, cuxa manipulación terá que realizarse seguindo as mais estritas normas de seguridade e baixo responsabilidade da persoa que a realice.

Artigo 21.— Praias

1. O concello no exercicio das súas competencias disporá dun dispositivo de vixilancia e salvamento en praias durante a tempada de baño. Valorando a ocupación e perigosidade, instalaranse postos de salvamento no horario que se determine polo concello de Barreiros en cada tempada de baño o que se comunicará en tempo e forma. Os postos de vixilancia están cubertos por equipos de salvamento encargados de dar resposta ó rescate e asistencia de persoas. Dito persoal de salvamento velará tamén polo cumprimento desta Ordenanza, tendo a obrigación de comunicar ós Axentes da Autoridade, a comisión de actos prohibidos aportando os informes e realizando as actuacións derivadas do exercicio das súas funcións.

2. Nas praias nas que non existan postos de salvamento disporase duns carteis informativos co texto “praia non vixiada, en caso de emergencia chamen o 112”.

3. Os postos de vixilancia disporán de equipos de salvamento onde poder dar unha resposta ó rescate e asistencia de persoas xa sexan nas propias praias onde se sitúen ou nas que non exista equipo de vixilancia.

4. Na zona de baño onde estea situado o posto de salvamento existirá un mastro no cal se colocará, por parte do servizo de vixilancia e salvamento en praias e durante o período e horario de baño, unha bandeira, a cal determinará as condicións de seguridade para o baño, atendendo ás seguintes cores:

a) Verde: Bo para o baño.

b) Amarelo: Precaución para o baño. Non se autoriza o baño con colchonetas, manguitos nin flotadores. Recomendase ó nenos menores de 12 anos que se bañen acompañados dun adulto.

c) Vermello: Perigo para o baño (prohibido bañarse).

En caso de que algúun usuario procedera a bañarse coa existencia da bandeira vermella, será instado polos servizos de salvamento, se os houbese, a que salga da mar. Si non acata a orde, será reclamada a presenza das forzas de seguridade, para que interveñan, e realicen as actuacións e diliencias pertinentes para facer cumplir a prohibición do baño.

5. As funcións do equipo de salvamento circunscribiranse ás zonas sinalizadas mediante zonas balizadas ou bandeiras preventivas e serán as seguintes:

- a) Efectuar as tarefas de vixilancia continua de baño, socorrismo e salvamento de persoas e observación do contorno ambiental, dentro do horario correspondente
- b) Garantir a primeira asistencia sanitaria
- c) Búsqueda de persoas desaparecidas
- d) Información sobre os recursos disponibles e o estado da mar
- e) Izar as bandeiras e sinalizar as zonas de baño, en función do estado da mar e velar pola conservación das sinais e do material destinado á prevención de accidentes, vixilancia, salvamento, socorro e transporte de accidentados
- f) Informar ós usuarios das embarcacións con motor e de deportes náuticos as prohibicións e limitacións da súa práctica.

g) Manter a zona destinada ó baño despexada de animais e obxectos que podan presentar risco para os bañistas.

h) Poñer en coñecemento do órgano competente as infraccións previstas nesta Ordenanza para os efectos da incoación do procedemento sancionador correspondente.

i) En xeral, evitar toda clase de actividades que resulten perigosas para os usuarios.

6. Correspondrá tamén ó servizo de salvamento e socorrismo as actuacións de emergencia fora das praias, como zonas de acantilado onde se atope unha persoa en situación de risco, podendo ser encomendadas estas actuacións pola autoridade xudicial.

Artigo 22.— Obrigacións dos bañistas

1. O público bañista queda obrigado a seguir as orientacións e indicacións que por seguridade lle podan realizar os servizos de salvamento e socorrismo, así como cantas disposicións existan que podan ditarse en adiante polos organismos competentes. En todo caso, non se recomenda afastarse mais de 25 metros da beira da mar con obxecto de garantir a súa seguridade.

2. Está prohibido ós bañistas afastarse a mais de 200 metros da beira da praia e a 50 metros da zona de costa.

3. As persoas que desexen bañarse fora da tempada de baño e fora do horario establecido para o servizo de salvamento e socorrismo, faran baixo a súa exclusiva responsabilidade.

4. Tamén o farán baixo a súa exclusiva responsabilidade as que fagan caso omiso ás orientacións e zonas balizadas ou sinaladas mediante bandeiras para o baño polo persoal de salvamento e socorrismo.

5. Recomendase ás persoas con algún tipo de diversidade funcional ou enfermidade para as que o baño poda constituír algún risco, que poñan esta circunstancia en coñecemento dos servizos de salvamento e socorrismo a efectos de que adopten, no seu caso, as medidas oportunas.

6. Queda prohibido o baño cando estea izada a bandeira de cor vermella.

7. En caso de existencia de rachas de vento, a fin de prever posibles problemas de seguridade persoal e colectiva, o persoal de salvamento e socorrismo e/ou a autoridade competente poderán ordenar o cerre de todo tipo de parasois, paraventos, hamacas, así como a utilización de pelotas, flotadores ou colchonetas, etc. Igualmente poderá ordenar a retirada de calquera elemento disposto na praia que estea oxidado ou visiblemente deteriorado para evitar calquera tipo de posible dano físico ou contaminación, en todo caso e con independencia da existencia de vento, é imprescindible que os elementos instalados na praia se atopen perfectamente suxeitos ó chan, de maneira que non podan ser desprazados causando perigos ós demás.

Artigo 23.— Persoal do servizo de socorrismo e salvamento.

1. Todo o persoal que realice tarefas de salvamento, socorrismo e asistencia sanitaria, deberá dispoñer da titulación homologada que o acredite e habilite para o exercicio das actividades que vaia a cumplir.

2. O persoal do servizo de salvamento e socorrismo contratado durante a tempada de baño dependerá para a súa organización e exercicio do servizo Municipal de Emerxencias e Protección Civil do concello de Barreiros. Este persoal durante o seu exercicio profesional deberá ir debidamente uniformado, de maneira que sexa perfectamente identificable e levará o uniforme que sexa elixido segundo os responsables do servizo.

Artigo 24.— Postos de primeiros auxilios

1. As características da instalación e o equipamento dos postos de Primeiros Auxilios serán as necesarias para tratar unha primeira atención sanitaria e as posibles situacións básicas de urxencia ordinaria, contando con abastecemento de enerxía eléctrica e auga, sala de curas, mastros de sinalización, equipos de comunicación e coordinación de emergencias.

2. Dependendo das necesidades e posibilidades na prestación do servizo, poderá dispoñerse de vehículos: ambulancias, embarcacións, motos acuáticas, vehículos de loxística e apoio.

Capítulo V: Régime sancionador

Artigo 25.— Norma xeral

1. Para a adecuada ordenación das relacións de convivencia de interese local e do uso dos seus servizos, equipamentos, infraestruturas, instalacións e espazos públicos considerase infracción conforme á presente ordenanza a vulneración de calquera das prohibicións ou prescripcións contidas na mesma.

2. Ditas prohibicións ou prescripcións serán sancionadas pola Alcaldía ou a concellería na que este órgano delegue, dentro do ámbito das súas competencias coa incoación previa do oportuno expediente no que se terán en conta as circunstancias que concorran a cada caso. Todo isto, sen prexuízo de notificar ó xulgado que corresponda ou remitir as actuacións practicadas ás autoridades competentes, cando así o determine a natureza da infracción.

3. Ademais de impoñer a correspondente sanción, a administración municipal, adoptará as medidas pertinentes para restaurar a realidade física alterada e a orde xurídica infrinxida, coa execución subsidiaria, si procede, das actuacións a cargo do infractor.

Artigo 26.— Infraccións

1. As infraccións clasíficanse en leves, graves e moi graves.

2. Infraccións moi graves:

a) O vertido ou depósito de materiais que podan producir contaminación ou risco de accidente.
b) A realización de calquera ocupación con instalación fixa ou desmontable, sen contar coa preceptiva autorización

c) A circulación de embarcacións non autorizadas a distancia inferior a 200 metros da costa

d) A varada ou permanencia de calquera tipo de embarcación non autorizadas, táboas de surf, windsurf, kitesurf, hidropedais, motos acuáticas, etc, fora das sinaladas ou autorizadas a tal fin..

e) A causa de calquera tipo de impacto negativo sobre a fauna e flora, tanto litoral como mariña

f) A causa dolosa de danos graves sobre o mobiliario ou elementos da praia, incluíndo a zona de baño.

g) O depósito nos colectores de lixo de materiais en combustión.

h) O incumprimento reiterado dos requisitos específicos formulados pola autoridade municipal.

i) A reincidencia na comisión de faltas graves antes do prazo establecido para a súa prescripción.

j) As que reciban expresamente esta cualificación na presente Ordenanza ou na lexislación sectorial aplicable

3. Serán infraccións graves:

a) Proceder ó baño nas zonas de bandeira vermella ou naquelas onde estea restrinxido o mesmo polo persoal de salvamento e socorrismo.

b) Facer lume e a utilización de bombonas de gas ou líquidos inflamables na praia sin a autorización correspondente.

c) A práctica da pesca en calquera das súas modalidades en lugar, época ou horario non autorizado así como a tenencia de arpóns, fusís submarinos, etc que pola súa proximidade podan supoñer un risco para a saúde e a seguridade das persoas.

d) a permanencia de animais nas praias ou zonas e baño contradecindo o disposto nesta ordenanza, así como a non recollida das súas deposicións e correcto depósito das mesmas nos lugares habilitados a tal fin.

e) Deterioro de mobiliario na praia.

f) A venda ambulante na praia de produtos alimenticios.

g) O incumprimento das normas de limpeza, por parte dos titulares dos servizos de temporada da praia, ou de calquera outra actividade autorizada polo órgano competente.

i) Non acatar as instrucións do persoal de salvamento cando foran debidamente requeridos para elo.

j) Dificultar de maneira intencionada, as funcións do servizo de salvamento.

k) O incumprimento dos requisitos específicos que formule a Administración municipal, sempre que se produza por primeira vez.

l) A resistencia a facilitar información ou mostrar documentación falsa, inexacta, incompleta ou que induza a error, implícita ou explicitamente, ou a non prestar colaboración á Administración municipal ou ós axentes da autoridade.

m). O uso de vehículos non permitidos en toda a extensión da praia, en particular motos e quads.

n) O consumo de bebidas alcohólicas na praia en horario nocturno e en grupo.

ñ) A práctica de surf, windsurf, kitesurf e outros deportes similares incumprindo as normas establecidas na presente ordenanza

o) a reincidencia en faltas leves antes do prazo establecido para a súa prescripción.

4. Serán infraccións leves as non consideradas graves ou moi graves nesta ordenanza.

Artigo 27.— Sancións

1. As infraccións leves serán sancionadas con multa de 60 ata 300 euros.

2. As infraccións graves serán sancionadas con multa de 301 ata 1.500 euros.

3. As infraccións moi graves serán sancionadas con multas de 1.501 ata 3.000 euros.
4. Para a determinación da contía das sancións teranse en conta os seguintes criterios:
 - a) A reincidencia do responsable en calquera das infraccións tipificadas nesta Ordenanza.
 - b) A maior ou menor perturbación causada pola infracción no medio ambiente e/ou nos usuarios.
 - c) A intencionalidade e malicia do autor.

Artigo 28. — Responsabilidade

1. Serán responsables das infraccións tipificadas na presente Ordenanza as persoas físicas e/ou xurídicas que as cometan.

2. A responsabilidade esixible serao non só polos actos ou omisións propios, se non polos de aquelas persoas, animais ou bens polos que civilmente se debe responder conforme o dereito común.

3. As responsabilidades administrativas que se deriven do procedemento sancionador serán compatibles coa esixencia ó infractor da reposición da situación alterada polo mesmo ó seu estado orixinario, así como coa indemnización polos danos e prexuízos causados que poderán ser determinados polo órgano competente, debendo, neste caso, comunicarse ó infractor para a súa satisfacción no prazo que ó efecto se determine, e quedando, de non facerse así, expedita a vía xudicial correspondente.

Artigo 29 .— Procedemento

1. As denuncias serán formuladas polos Axentes da autoridade ou polos particulares, e tramitadas no marco da correspondente lei de Procedemento Administrativo Común ou normativa reguladora do exercicio da potestade sancionadora.

2. Compete a resolución dos expedientes sancionadores que se incoen ó amparo da presente Ordenanza ó Alcalde-Presidente ou persoa en quen este delegue.

Artigo 30. — Disposición final

A presente Ordenanza entrará en vigor unha vez que se publique no BOP de Lugo e manterase en vigor ata a súa derogación ou modificación expresa."

Barreiros, 30 de novembro de 2017.- O Alcalde, J. Alfonso Fuente Parga

Por Acordo Plenario de data de 25 de setembro de 2017, aprobouse definitivamente a ubicación do sistema de videovixiancia no Polígono Industrial de Barreiros, así como os correspondentes ficheiros de protección de datos, polo que, de conformidade co artigo 70.2 da Lei 7/85, de 2 de abril, Reguladora das Bases de Régime Local, procedese á publicación do texto íntegro para a súa entrada en vigor:

"PRIMEIRO.- Câmaras.

Aprobar a instalación e uso dunha rede de videocámaras e de reproducción de imaxes para o control, vixiancia e disciplina do tráfico, suxeita ás estritas condicións fixadas pola Disposición Adicional Única do citado R.D. 596/1999.

Dicha vixiancia extenderase ás vías situadas dentro dos límites do Polígono Industrial de Barreiros.

SEGUNDO.- Creación de ficheiros

Crear os ficheiros de datos de carácter persoal sinalados no ANEXO I.

TERCEIRO.- Medidas de seguridade.

A custodia, conservación e destrución, no seu caso, das imaxes captadas polas cámaras e que se integran nos ficheiros automatizados que polo presente Acordo se crean, cumplen as medidas de seguridade e esixencias establecidas no Real Decreto 1720/2007, de 21 de decembro polo que se aproba o Regulamento de desenvolvemento da Lei Orgánica 15/1999 de 13 de decembro, de Protección de Datos de Carácter Persoal, ó tempo que o órgano encargado da custodia e das resolucións das solicitudes de acceso e cancelación será o propio Concello.

CUARTO.- Publicación.

O presente acordo expoñerase ó público por un prazo de 30 días para alegacións, e posteriormente, en caso de que non se presente ningunha en dito prazo, será publicado no Boletín Oficial da Provincia.

QUINTO.- Entrada en vigor.

O presente Acordo entrará en vigor ó día seguinte da sua publicación íntegra no Boletín Oficial de Lugo.